

# دعوة إلى الاعتكاف | #كلمات\_التراويح | د. حازم شومان

حازم شومان

السلام عليكم ورحمة الله وبركاته. السلام عليكم. الحمد لله وكفى وصلاة وسلاما على عباده الذين اصطفى. اما بعد. فيعني النهاردة هنتكلم في اه موضوع مهم جدا يا اخواني. اه مهم جدا للرجال وللنساء طبعا لان هو مش - [00:00:00](#)

خاص بحد دون حد لا خاص بحد صغير ولا كبير ولا رجل ولا امرأة الموضوع موضوع عام. يعني لو واحد مسلا ربنا يعافينا عنده التهاب رئوي وتعبان مرتفعة جدا والمستشفى جنب بيته وفي الف عربية اسعاف مجهزة. وانت كل ما تروح تزوره هو مصمم انه يفضل قاعد في بيته. انت لسه - [00:00:20](#)

ما نزلتش رحت المستشفى انت بينك وبين الشفاء بازن الله خطوات. ايه اللي مقعدك في المكان اللي انت فيه؟ اهو ده القضية يا اخوانا احنا لسه ما اعتكفناش او لسه ما خدناش قرار الاعتكاف. يا جماعة من ظن ان ليلة القدر ليلة بتلاثة وتمانين سنة. يبقى حسب القضية حساب ممكن ما يقدرش يبلغ - [00:00:40](#)

قومي ليلة القدر. اعتبري ان العشرة الاواخر من رمضان كل ليلة بتمن سنين ونص. ده الحساب اللي ممكن بازن الله او يقين بازن الله هتفوز بليلة القدر به. اعتبر ان كل ليلة في العشرة الاواخر بتمان سنين ونص عبادة. وبازن الله يقينا هتدرك ليلة القدر. اخواني في الله - [00:01:00](#)

الاعتكاف رقم واحد فرصة للوقوف في ظل عرش الله. ظل عرش الله بسبب الاعتكاف. النبي عليه الصلاة والسلام لما قال سبعة يظلهم الله بظله يوم لا ظل الا ظله. يعني قضية الشمس على بعد ميل من الرؤوس مين اللي هيوقف في المقصورة الملكية ده؟ الاعتكاف بيديك اربع فرص - [00:01:20](#)

من السبعة للوقوف المقصورة الملكية. واحد رجل ذكر الله خاليا ففاضت عيناه. يقينا في الاعتكاف وانت في الخلوة. لو بكيت مرة وانت بتتلو القرآن او تذكر الله ابشر. يبقى انت ان شاء الله من الفائزين. اتنين رجل قلبه معلق بالمساجد - [00:01:40](#)

انت قاعد سايب الدنيا كلها عشان تأوي الى بيت الله في جوار الله يا اخواني لو انت جا لك الوقت دعوة عشر تيام للاقامة في آ قصر ملك السعودية في الرياض. او عشر تيام للاقامة في قصر امير من امراء الخليج الحكام. يا ترى انت هتضيع الفرصة دي - [00:02:00](#) انت جاي لك دعوة للاقامة عشرة ايام في بيت الله سبحانه وتعالى. شاب وهو رايح اي ولا رايح اي يعني حفلة من بتوع بورتو مارينا بتلاقيه رايح منطلق كده. طب انت رايح لربنا سبحانه وتعالى. مين فينا صدره مينشرحش لهذا - [00:02:20](#)

مين فينا ما يدركش قيمة هذا الشرف المبين؟ رجل قلبه معلق بالمساجد. دي في الاعتكاف. رجل ذكر الله خاليا ففاضت عيناه دي في الاعتكاف رجلان تحابا في الله. اجتماعا عليه وتفرقا عليه. عايز اقول لكم يا اخواني للرجال وللنساء وللشباب وللفتيات - [00:02:40](#)

ان الاعتكاف اكبر ثمرة سلطانية للاعتكاف. ثمرة بقى ايه اللي عايز يبقى سلطان بقى في الالتزام في الاعتكاف. الخروج بالصحة الصالحة لانك هتتقابل باكثر ناس مستعدية تعكف على عبادة ربنا. يبقى المشكلة الكبيرة اللي مضية اي الثبات في الالتزام طول السنة - [00:03:00](#)

اني مش لاقى صحبة حلها موجود اهو. واللي بيقنص الفرص ده اكثر واحد يعني يمكن قلنا قبل كده قصة الراجل الملياردير اللي عملوا معه حوار في قناة اجنبية المزيع بيقول له انت ازاي حصلت الثروة المهولة دي؟ طلع له شيك ممضي على بياض قال له اكتب الرقم اللي انت عايزه الرقم ده بتاعك - [00:03:20](#)

يعني لو كتب خمسين مليون دولار بقوا بتوعه ايه الموقف الغريب ده! الراجل اتهز! قال له انت بتتكلم بجد! خطف الشيك منه قال له

انت جا لك الفرصة انك تبقى غني وانت - 00:03:40

اللي ضيعتها. انا لو مكانك عمري ما اضيع الفرصة دي. انا ربنا جعلني غني لاني عمري ما ضيعت فرصة. ادي فرصة لصحة صالحة. ادي فرصة للوقوف في ظل عرش الله. اربعة بعد رجلان تحابا في الله لان كل الاعتكاف حب في الله واجتماع على الطاعة. اربعة شاب نشأ في طاعة - 00:03:50

يعني ايه يا اخواني؟ يعني الاعتكاف ده كنز اربع اربعة من السبعة تقدر في الاعتكاف انك تحققهم للوقوف في ظل عرش الله. الاعتكاف هيبنيك يعني ايه هيبنيك؟ قال رسول الله صلى الله عليه وسلم ان للمساجد اوتادا. المساجد لها عواميد ما هي العواميد اهي. لا - 00:04:10

هم اوتادها. مش دي العواميد بتاعة المساجد. اومال مين عواميد المساجد يا رسول الله؟ لهم جلساء من الملائكة. عواميد المساجد اللي بيبعدوا ربنا في المساجد. عواميد المساجد المحافظين على جلسات الضحى في المساجد. عواميد المساجد اللي لهم اوراد عبادة سابتة في المساجد. عواميد - 00:04:30

المساجد اللي محافظين على الاعتكاف في المساجد. دول الملائكة من حبها لهم وانساها بهم. وفرحها بهم بتنزل وتجالسهم وتقعدهم هم مش مش حاسين. ما هماش حاسين باللي بيحصل. لهم جلساء من الملائكة. اذا غابوا مرة بقى الملائكة جت كده - 00:04:50

في الاعتكاف ما لقتوش بقى سألوا عنهم فلان راح فين؟ وان كانوا فيه وان كانوا مرضى عادوهم يمكن في البيت عيانيين يروحوا يزورهم في البيت. تخيل تزورك في بيتك. تخيلي ملائكة الرحمن تزورك في بيتك. واذا كانوا مرضى عادوهم لأ ما هماش في البيت. ده دول في مشكلة وواحد يعني - 00:05:10

يعني مطلع عينيهم ومقفل عليهم المصالح بتاعتهم. واذا كانوا في حاجة اعانوهم. تلاقي فجأة كرامات بتحصل لك وتايسر بتحصل لك في امورك وانت مش فاهم السبب ايه. السبب ان فيه ملائكة جلساء لك في جلسات العبادة والملائكة ديت يعني اتت من اجلك - 00:05:30

ان تعينك في هذا الموقف الاعتكاف هيبنيك هيبني فين؟ هيخليك وتد من اوتاد المساجد. شايفين العواميد دي؟ دي عواميد اسمنتية. في عواميد بشرية بقى لدين ربنا سبحانه وتعالى هتبقى منها الاعتكاف معسكرات ايواء ربانية. يا اخواني الراجل اللي جه لقي مجلس النبي عليه الصلاة والسلام فقام - 00:05:50

في حطة في النص كده وقام قاعد فيها. النبي عليه الصلاة والسلام قال لهم ايه؟ آوى الى الله فاواه الله. آوى الى الله. اللي جاي ده مش جاي لناس ولا جاي. ده جاي لربنا. ده ايواء - 00:06:10

ده طالب ايواء والاعتكاف ده معسكر ايواء رباني. فاواه الله. لما قال الكافر ربنا قال فأووا الى الكهف. اووا الى الله برضو ربنا عمل لهم ايه؟ عمل لهم معجزات، غير لهم سنن الكون. وترى الشمس اذا طلعت تزاور عن كهفهم ذات اليمين تبعد عنهم لان هيجي لهم ضربة شمس - 00:06:26

لو اتسلطت عليهم في عز النهار. واذا غربت تقرضهم ذات الشمال وهي في الهدوء بقى والغروب كده تديهم شوية شمس عشان الانسان محتاج ثلاث شمس يوميا يبقى شايفين الحنان الرباني عليهم وتحسبهم ايقاظا وهم رقود عينيهم تفتح لو قفلوا عينيهم سنة كاملة تضرع العيين وتروح - 00:06:46

ربنا بيحفظ عليهم نعمه ونقلبهم عشان الانسان لو فضل ساكن ممكن يحصل له قرح الفراش وممكن وممكن شوفوا ربنا بيغير لهم سنن الكون عشان هؤلاء العباد اللي او الى الله يبقى الاعتكاف معسكرات ايواء. يا اخواني في الله الاعتكاف ده نقلة في حياة كل واحد منا - 00:07:06

الاعتكاف ده كان انقلاب في حياة كثير من الناس. انقلاب انا يعني لا انسى شاب من الشباب جعتك في نفسنة من السنين والتزم بفضل ومنة الله في هذا ليلة العيد كلنا خارجين لقيته قاعد مش عايز يخرج غير على صلاة العيد. فقلت له انت هتقعده لوحدهك ليه ده

كل الناس مشتاقة تشوف اهلها وتشوف اصحابها؟ قال لي انا لو خرجت - 00:07:26

ممکن اعمل اي حاجة. انا لو خرجت عارف ان انا هعصي ربنا انا هفضل قاعد في المسجد. انا خرجت من المسجد يومئذ والله يا اخواني. وانا حاسس ان انا قلبي بيتقطع على - 00:07:46

الشاب قلت بيني وبين نفسي والله ربنا ما هينساها له. والله ربنا ما هيسيبه بهذا الامر. انا حاسس هو نفسه يخرج قد ايه. ونفسه يسلم على اهله ونفسه يشوف اصحابه ولكن خوفه على الصلة اللي بينه وبينه وبين ربنا اللي جت في الاعتكاف انها تروح خلته خايف يخرج للدنيا - 00:07:56

هذه الليلة اللي كل الناس عايزة تفرح فيها. هذا الشاب حتى الان كل ما انزل المدينة المنورة وقبله لانه بفضل الله بيشغل في المدينة المنورة الوقتي. بفضل الله ربنا سبته - 00:08:16

الالتزام ربنا فاتح له ابواب الرزق. عمري ما شفت ربنا ضيقها عليه. والله يا اخواني كل ما اشوفه افكر هذه الليلة الاعتكاف ده ياما قلب الناس الاعتكاف ده وقفة سنوية تقف تشوف احوالك ايه جاي منين رايح فين تقف في هذا المكان اللي بتتنزل فيه الانوار - 00:08:26

اخواني في الله عايزين يبقى في صلة بينا وبين ربنا. النملة قالت لا لا يحطمنكم سليمان. هو النملة عارفة سليمان ومحمد واحمد. السحابة قيل لها اسقي حديقة فلان هي السحابة عارفة فلان وعلان. النار يا نار كوني بردا وسلاما على ابراهيم. هي انها عارفة ابراهيم واسماعيل. يا اخوان - 00:08:46

اخوانا عيوش عيص للشمس قال لها انت مأمورة. وانا مأمور هي الشمس عارفة يوشع. من احمد من من ابراهيم. يا اخوانا قلنا العبد اللي بينه وبين ربنا صلة كل شيء في الكون عارفه. كل شيء في الكون موصول به. كل له اواب. من آبي الى الله آبي اليه - 00:09:06 كل شيء يعني قضية الاعتكاف ده فرصة كبيرة جدا. كفى بالاعتكاف سبب لانك تبلغ اعلى درجات الجنة. بس الاعتكاف بس ازاى؟ الاعتكاف ده لو انت قاعد العشر تيام لو ما قمتش واجتهدت انت هتفوز بليلة القدر برضو ليه؟ لانك انت لو ما قمتش ولا اجتهدت اصليت - 00:09:26

تراويح وتهجد يعني ده انا اضعف واحد يعني. اللي ما اجتهدش طول الليل فتخيل انت من الفائزين بليلة القدر. يعني ثلاثة وتمانين سنة. طب لو انت حافظت على الاعتكاف واحييت السنة دي بعد عشر سنين يبقى تمنية وتلاتين سنة. طب بعد عشرين سنة الف وسبعميت سنة. انت متخيل في ميزان - 00:09:46

الف وسبعميت سنة عبادة مين يحصلك يوم القيامة؟ الاعتكاف ده قفزة قفزة عظيمة بتسبق بيها الف وملايين البشر عبر عبر العصور الاعتكاف بيثقل الموازين بتاعتنا. لان يا جماعة اعظم عبادة ربنا بيثقل بها الميزان. عبادة التضحية. عبادة ان انا اسيب - 00:10:06 سيب عشان ربنا عشان كده الا الصوم فانه لي. وانا اجزي به ليه يا رب؟ يدع طعامه وشرابه وشهوته من؟ من اجل الله سبحانه وتعالى التضحية غالية عند ربنا. انك انت تضحي عند ربنا. طيب هيجي واحد ويقول انا ما عنديش وقت اعمل ايه؟ والله انت لو مشغول بالنهار. تعال - 00:10:26

مشغول بالليل تعال بالنهار يعني شف زروك ولكن لو شاشة المحمول اتحرقت هنلاقي وقت ان احنا نروح نصلحها ولو الشريحة بتاعة المحمول اتسرقت هنلاقي وقت ان احنا نروح لمركز الخدمة ثلاث اربع مرات. كل مرة بخمس ساعات في الزحمة اللي احنا فيها ديت. ولو العربية اتخبطت هنلاقي وقت ان احنا نروح - 00:10:46

وبتاع العفشة وبتاع الكهرباء وبتاع قطع الغيار وتطلع عينينا كذا يوم عشان نتصلح العربية ولو اي مشكلة حصلت ممكن واحد في عز الامتحانات يجي له دور برد ينيمه اسبوع كامل. ما هوش عارف يعمل حاجة. القضية كبيرة يا اخواني والفرصة عظيمة. والواحد مستشعر ان - 00:11:06

يعني انت محتاج الموضوع ده. كلنا محتاجين الموضوع ده يا جماعة. كلنا محتاجين غسيل قلوبنا لعشر تيام دول. يعني لو انا قاعد قدام واحد باقعه ان الدواء ده مهم بالنسبة - 00:11:26

وان الموضوع ده حيوي جدا بالنسبة له. الموضوع اخطر مما نتخيل قضية الاعتكاف. قضية آآ كبيرة وقضية عظيمة وقضية مهمة بازن الله آآ هنبداً اخذ بطاقات الاعتكاف آآ يعني الاعتكاف هيبقى فيه فضيلة الشيخ عاطف صابر بازن الله وهيبقى له ادارة الاعتكاف بقى الامير - [00:11:36](#)

بتاعنا ان شاء الله بازن الله وهيبقى ما عدناش خافين من الامارة بقى والتنزيحات والكلام ده خلاص بقى. الامير بتاع التنظيم هيبقى الشيخ عاطف هيبقى معنا فضيلة الشيخ علي قاسم ربنا - [00:11:56](#)

فيه وربنا ينفع به يا رب ويبارك في جهده على الشباب. هابقى انا موجود معكم بازن الله في الاعتكاف. الاعتكاف ده هنحاول ان هو يبقى بازن الله اعتكاف فعلا حضانة ايمانية وعناية مركزة للمعتكفين وللشباب من اجل ان يعني نواجه البعد عن الدين - [00:12:06](#) في هذه الفترة بازن الله سبحانه وتعالى البطايق آآ فضيلة الشيخ ابراهيم هياخدها بعد كل تراويح من اول التراويح بتاعة النهاردة سورة البطاقة نتيجة مش كل واحد جاب صورة البطاقة هاقدر اقول له ويعتكف معي ولا لأ. لان يعني احتمال يبقى فيه عدد كبير. اكبر من استيعابنا آآ - [00:12:26](#)

آآ يوم تمتناشر او تستعناشر رمضان كل واحد هيعرف هنقدر نكون معتكفين مع بعض ولا هيبقى صعب لان احنا لسة مش عارفين العدد بتاع الاعتكاف كفى يبقى ايه بالزبط ؟ احتمال يجي ناس من محافظات تانية واحتمال يعني الله اعلم الموضوع هيمشي ازاي. احتمال الشباب ربنا يهديهم ويبجوا يعتكفوا. مش عارفين القصة ماشية ازاي - [00:12:46](#) شكلها ايه يا اخوانا وان كان بازن الله النية ان يعني كل من سيأوي الى بيت الله هيبقى على راسنا من فوق بازن الله سبحانه وتعالى. خلاص مع الشيخ ابراهيم النتيجة بتاعة آآ اي حد هيقدم صورة بطاقته يوم تستعناشر رمضان تقريبا بازن الله هيبقى عارف هو يعني معنا في الاعتكاف ولا لأ - [00:13:06](#)

اخوانكم بيذكروكم بتجميع التبرعات لمصاحف افريقيا. اخوانكم بيذكروكم بتجميع التبرعات لمصاحف افريقيا. بازن الله سبحانه وتعالى يعني الخمس مصاحف دول بقى لافريقيا يروحوا بقى يعني ايه خليفهم لافريقيا يعني بازن الله سبحانه وتعالى اللي يقدر يتبرع وتقدر - [00:13:26](#)

تبرع لتوصيل دين ربنا لافريقيا في افريقيا للمسلمين في افريقيا. ببقى جزاهم الله كل خير القرية اللي هناك اللي لما شافت مصحف قطعوا المصحف كل واحد واحد خد حطة ورقة عشان يبقى في بيته حطة من المصحف. قرية مسلمة عمرها ما شافت مصحف. قضية آآ يعني مهمة وكبيرة يا اخواني. ربنا - [00:13:46](#)

تقبل منكم يا رب. اللهم اللهم بارك لنا في العشر الاواخر من رمضان. اللهم بارك لنا في العشر الاواخر من رمضان. اللهم بلغنا ليلة القدر واجعل ما فيها من الفائزين. اللهم اجعلنا من الفائزين بليلة القدر هذا العام يا رحمن. اللهم اجعلنا من الفائزين بليلة القدر هذا العام يا رحمن. اللهم لا تخرجنا - [00:14:06](#)

خرجنا من رمضان الا وقد غفرت ذنوبنا وكفرت سيئاتنا وشرحت صدورنا وهديت قلوبنا وانرت بصائرنا وقويت فعزائمنا وثبت قلوبنا على دينك حتى نلقاك. اللهم لا تخرجنا من رمضان. الا وقد فرجت كرباتنا وشفيت مرضانا - [00:14:26](#)

وفرجت ما بنا من هم وغم. اللهم انزل هدايتك على اهل مصر. اللهم اكشف عن مصر الهم والغم. ربنا اكشف عنا العذاب انا مؤمنون ربنا اكشف عنا العذاب انا مؤمنون. ربنا اكشف عنا العذاب انا مؤمنون. سبحانك اللهم وبحمدك. اشهد ان لا اله الا انت استغفرك واتوب اليك - [00:14:46](#)